

# FPP BizNewz

January – May 2022

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

## Mengapa Pelaburan Emas Menjadi Pilihan?

Telur Mana Telur?

*you are what matters*

## An Affair of Online Learning and Covid-19

Pembasmian Kemiskinan Dalam RMK Ke-12

## Bukit Harimau Menangis

Tarikan Pendakian di Kemaman



Publication Date  
30 June 2022

Photo by Marek Levák on Unsplash

## BUKIT HARIMAU MENANGIS

### Tarikan Pendakian di Kemaman

Laluan permulaan m:

<sup>1</sup>Siti Rapidah Omar Ali, <sup>2</sup>Mazratul Firdaus Mohd Zin, <sup>1</sup>Zuraini Jusoh, <sup>1</sup>Kartini Mat Rashid  
<sup>1</sup>Fakulti Pengurusan dan Perniagaan, Universiti Teknologi MARA Cawangan Terengganu  
<sup>2</sup>Pengajian Kejuruteraan Elektrik, Universiti Teknologi MARA Cawangan Terengganu

**B**ukit Harimau Menangis yang mendapat jolokan 'Bukit Pok Long' oleh penduduk setempat terletak di kawasan Kampung Penghulu Stapa, menghubungkan Kampung Semayor dan Ayer Jernih. Jika di daerah Kuala Nerus terkenal dengan Bukit Maras dan di daerah Dungun pula Bukit Baik menjadi pilihan. Manakala di daerah Kuala Terengganu, Bukit Besar dibanjiri oleh ramai pendaki. Tidak ketinggalan di daerah Kemaman semakin ramai yang mengunjungi Bukit Harimau Menangis. Bukit ini merupakan tumpuan baharu di Kemaman, Terengganu yang semakin popular dalam kalangan penduduk sekitar dan luar terutamanya kaki 'khabat bukit'. Dengan ketinggian 203-meter (666 kaki) dari paras laut, lokasi yang strategik dan mempunyai panorama yang indah di puncak bukit, hampir setiap hari bukit ini dikunjungi oleh pendaki persendirian mahupun pendaki berkumpul seawal pagi hingga ke petang. Malahan bilangan pengunjung

Antara checkpoint (CP)





Tali-tali yang disediakan di laluan yang curam

semakin bertambah pada hujung minggu dan cuti umum.

Trek laluan Bukit Harimau Manangis yang agak santai dan kurang berisiko berbanding bukit-bukit lain menjadikan ianya selamat didaki oleh hampir semua golongan. Walau bagaimanapun, aspek keselamatan perlu diutamakan ketika mendaki.


Mengimbuai kembali pertama kali kami menjejakkan kaki ke sini, aktiviti pendakian kami bermula seawal jam 7:30 pagi. Kami memilih untuk memulakan pendakian memasuki trek laluan yang agak sukar dan keluar ke trek laluan yang lebih santai. Laluan masuk hanya berada di bahu jalan dengan laluan yang sangat jelas sehingga menuju ke puncak bukit.



**P**ermulaan pendakian dimulai dengan trek laluan berbatu dan agak curam. Terdapat juga tali-tali yang disediakan untuk memudahkan pendakian. Bukit

ini mempunyai empat checkpoint (CP). Jarak antara satu CP dengan CP yang lain tidak jauh. CP pertama diberi nama Puncak Panorama diikuti CP kedua Puncak Batu Putih, CP ketiga Puncak Kasih dan CP keempat Puncak Bahagia. Nama-nama di CP ini diberikan oleh beberapa individu yang terlibat. Antaranya ialah Encik Abd. Halim bin Yaacob atau lebih dikenali dengan nama 'Tok Bak'.

Beliau merupakan seorang pesara tentera yang cintakan alam sekitar dan meminati aktiviti mendaki. Beliau adalah individu yang tidak asing lagi di Bukit Harimau Menangis. Beliau juga secara sukarela membersihkan dan membaikpulih trek laluan selain menjaga kebersihan bukit ini agar keindahan dan keadaannya sentiasa terpelihara. Jika anda ke Bukit Harimau Menangis, beliau adalah orang yang akan anda temui yang tidak pernah jemu bercerita dan melayan pengunjung-pengunjung yang datang ke sini. Penghargaan juga turut diberikan kepada 'Tok Bak' kerana sebahagian daripada maklumat di dalam artikel ini adalah maklumat yang dikongsikan oleh beliau.



di Bukit Harimau Menangis

Kami mengambil kesempatan bergambar di setiap CP dan menikmati keindahan panorama di atas bukit. Tahap kesukaran mendaki Bukit Harimau Menangis ini adalah agak mudah bagi mereka yang baru berjinak-jinak untuk mendaki dan mempunyai banyak CP untuk berehat. Secara kesimpulannya, mendaki Bukit Harimau Menangis sangat sesuai dijadikan aktiviti riadah bersama rakan-rakan mahupun keluarga. Di samping memupuk rasa kecintaan terhadap alam sekitar, aktiviti mendaki juga kini menjadi pilihan ramai untuk mengisi masa lapang. Selain itu, aktiviti mendaki memberikan faedah-faedah kepada kesihatan seperti meningkatkan tahap kemampuan dan kecergasan fizikal seseorang, menyihatkan tubuh badan, meningkatkan stamina dan lain-lain lagi.

Rujukan:

Mohd Syukri Ibrahim (2019). 'Harimau Menangis' jadi tarikan.  
<https://malaysiaaktif.my/51912>

Serombong Kapal (2019). Sejarah Bukit Harimau Menangis.  
<https://www.facebook.com/SerombongKapalReloaded/posts/sejarah-bukit-harimau-menangis-panggilan-orang-tempatan-bukit-rima-nangis-jugak-/2549738038592406/>



BizNewz 2022  
Faculty of Business and Management  
Universiti Teknologi MARA Cawangan Terengganu, Kampus Dungun  
Sura Hujung, 23000 Dungun, Terengganu, MALAYSIA  
Tel: +609-8400400  
Fax: +609-8403777  
Email: biznewzuitm@gmail.com